

广东通志

广东通志

廣東通志卷三百六

甲子重刊

列傳三十九 列女一

廣州府一

南海縣

南朝宋

戎士陳南妻丹者戴氏之女美而早寡事舅姑恭
篤同伍之人咸樂其賢色求者甚多守死不嫁後
之聘者告其軍主軍主命之知不得已乃自經死

太平御覽元嘉十六年刺史陸徽爲建坊 戴志

美人區氏良家子也昇明中父金以義士從大將
鄧惠真襲豫章賊帥有功入金陵事齊高帝爲右

武衛校尉會選良家子區氏以美姿儀封爲美人
性婉順事高帝始終寵遇不衰而金亦榮顯官至

尹州刺史

黃志

唐

七歲女子武后時其兄進至京后命賦別兄詩卽
曰別路雲初起離亭葉正飛所嗟人異雁不作一

行歸

一統志

大清

南海女子不知姓氏作輦鑑圖凡一百九十二字

粵中見聞

藻麗反覆文字縈迴句讀曲屈韻調高雅有

陳規起諷之意可以作鑑前列輝映將來

唐王勃輦鑑圖

序洵仙才也

唐合狐楚輦鑑圖記

輦鑑銘

一名轉輪鉤
枝八花鑑銘

清月曉河澄雪皎波

月曉河澄雪皎波清

曉河澄雪皎波清月

波清月曉河澄雪皎

清波皎雪澄河曉月

波皎雪澄河曉月清

皎雪澄河曉月清波

雪澄河曉月清波皎

右花上八字環旋
讀之得十六句

清光

耀日菱芳照室

光耀日菱芳照室清

耀日

菱芳照室清光

日菱芳照室清光耀

清室

照芳菱日耀光

室照芳菱日耀光清

照芳

菱日耀光清室

芳菱日耀光清室照

右花上
八字環

旋讀之得
十六句

篇章隱約雅合雍熙鉛華著飾盡

瘁妍媸旋軀合配懿德章施宣光炳耀列象標

奇先人後已閱禮崇詩懸堂象設啟匣光馳傳
芳遠古照引毫釐堅惟瑩澈跡異磷緇連星引
月藻振芳垂妍齊錦繡色配漣漪虔思早暮守
謹閨闈圓虛配道象罔齊儀烟凝綴玉影表芳
枝捐瑕滌怪釋怨忘疲蓮芳表質日素凝姿編
辭衍義質動形隨前瞻後戒雪拂雲披聯翩動
鵲映掩辭螭蟬輕約鬢柳翠分眉全斯節志敬
爾尊卑鮮含翠羽影透輕池源分派引地等天
規延年益壽代變時移筌簡等義繪綵分詞

謹案是銘載

欽定全唐文因附錄於此

宋

劉氏二女家城西之折桂坊戴志其母久病一剖肝

一剔股以奉之母乃瘳連帥龔茂良上其事詔卽

所居立雙闕乾道中時事也南海百詠今西城有雙闕

遺跡焉

戴志

鄧六娘宋寶慶上舍夢槐女景定解元伯瑜女弟

也父母蚤喪兄嫂繼亡止遺孤姪履元甫一歲無

族屬可倚六娘日夜哀痛念鄧氏宗祀不絕如綫

矢志不嫁撫育履元成立後膺封爵爲忠翊校尉

以昌鄧氏後者六娘之功也祀貞孝祠廣州貞烈傳

吳妙靜助教道遺女許嫁新會李氏子李親迎渡

龍江覆舟死妙靜誓不適人出家貲建大石橋於

李溺死處後人呼爲老女橋上有老女墳督學蔡

克廉題曰宋貞女吳氏之墓

甘泉文集

鄉貢士劉元妻周氏宋季爲強賊所逼周給之曰
當盛服以從賊以爲然卽乘間投蘭石海而死七
日尸浮倚於石衣裾整然子孫遂於其地建祠

黃志

明

王受祖妻萬氏洪武初蘇友輕作亂萬爲官軍所

獲獻於南海衛指揮盧諸諸愛其美欲納之不從

諸怒以刃擬之萬唾罵不絕死於南門外

同上

陳復亨妻李氏夫早卒守節以終洪武十八年旌

表府志

女官黃惟德洪武二十年選入宮命爲司寶永樂初信任益隆宣德七年乞骸南歸太后作圖且爲詩賜之其姪女卽大學士梁儲母也

黃志

邵祖德妻莫氏生子康惠未幾寡康惠旣長娶梁氏生子智未幾康惠又卒梁與姑皆孀居無玷鄉人以雙節目之智後官御史同莫以景泰癸酉旌表梁以成化十年建坊其後有洗茂妻陳氏姑媳並以節行聞又有李大妹幼喪父母孀守依母不

嫁府志

陳璵妻張氏于歸踰年舉子甫三月璵亡備嘗荼

廣夏通志卷三
四
苦矢志無他從兄知府淮欲聞之有司張曰吾分也焉用此年八十五卒梁儲爲傳其事

陳氏大欖民人妻夫早故守節終身成化二十二

年旌其門

俱同上

孝廉周禪妻鄒氏適禪歲餘生子泰而禪卒里黨憐其貧勸改適鄒泣曰姑老子幼忍使無依耶奉姑益勤誨子成立後孫文興文明鶴年皆領鄉薦孀居六十三年督學樊倣旌其門元孫牲亦領崇

正己卯賢書

廣州貞烈傳

吳貫之妻鍾氏年十九而嫁未十月已孕貫之病革語曰子死靡悔第二喪未葬汝年少異日尙儼

他族縱得一孤又安能保況產業門戶耶鍾涕泣
曰君生平好善天道必祐萬一有此妄安敢二心
及貫之卒生遺腹子昕杜門紡績教以儒業竭力
營葬三喪靡有遺悔宏治二年旌黃志

邵氏女名締廉許配郡庠生潘濂旣委禽乃聞濂
素病療父母欲悔親女不可事遂尼濂等領正德
庚午鄉薦赴春官中乙榜南歸道卒訃至父母將
爲別字女毅然曰一身可許兩姓耶沐浴整粧自
經於閨時年二十有二云泰泉集

梁能妻霍氏能客死潮州遺腹子商霍紡績撫孤
事姑尤孝四十年如一日嘉靖元年督學魏校廉

得其實旌焉更爲立傳

黃志

百戶陶壯妻倫氏狀元文叙女榜眼以訓妹也年十八適壯克盡婦道二十四而夫奉使粵西卒倫矢志守貞白首甘節嘉靖間知縣熊坦上聞都御史談愷中丞孫永思表之曰瑤林白璧臨川曾佩

書爲請旌於朝

廣州貞烈傳

生員蒙天祐妻周氏祐死周年二十二遭腹生男鑑父母欲奪而嫁之周矢不再適事姑撫子捐簪珥以完喪葬嘉靖十年事聞御史吳麟遣禮存問十三年御史戴璟具題旌表

戴志

陳紹雋妻馮氏年二十二夫亡撫一子居喪守禮

矢志無他紡績教子成立卒年八十嘉靖辛卯旌

府志

儒士方闡妻陳氏事姑張氏得其歡闡沒陳年一

十八遺孤僅五齡勵志守節姑病篤籲天請代姑

歿脫簪珥以營殯葬

廣州貞烈傳

嘉靖十五年表其閭

卒年七十五

黃志

伍雍妻張氏雍卒於都下張年僅十九訃聞矢志

不貳孝事舅姑撫孤成立年七十五卒嘉靖辛酉

督學林雲同建坊旌之

府志

舉人龐一訊妻楊氏一訊領嘉靖庚子鄉薦任臨

清學官生子鍾魯百日而一訊歿楊年二十餘矢

志守節茹貧訓子足不履戶外卒年七十

何道養妻霍氏年二十孀守五十餘年勵志苦節

遷居仁里訓子課孫孫仲行登嘉靖壬辰進士

俱同

上

葉珪妻彭氏燦女也生男純而珪歿時年二十有

三誓志守節事姑潘盡禮嘉靖二十八年旌建坊

于蛇龍村

黃志

梁希賢妻凌氏聰次女歸踰年生子珩越一月而

夫亡舅姑憫其年少諷之再適凌矢志不二爲婦

愈孝舅姑逝捐衣飾完殮珩早故遺孫八齡凌垂

白鞠之部使者請表其閭嘉靖三十二年卒年九

十五上同知州梁顯誌其墓

廣州貞烈傳

倫重妻黎氏嫁僅三月而夫故舉遺腹子彝矢志撫之甘貧茹苦人罕覲其面彝長遊府庠嘉靖三

十九年事聞旌其家

府志

黎邦宇妻陳氏邦宇補弟子員未幾卒陳年十九守志不移嘉靖癸亥督學樊倣旌表

李偉妻何氏事夫兩載生男百日而夫亡何守節食貧事翁存孤鄉里稱賢請建坊表之

俱同上

曾觀祐妻陸氏年二十一而寡遺孤表甫一齡嘉

靖中旌其門

金志

宋士志妻黃氏生一子而夫卒黃年二十守志教

子始終矚然詔下所司建坊旌其貞節

府志

陳仲益妻黃氏仲益舉於隆慶丁卯寢疾歲餘黃侍湯藥衣不解帶及夫卒哀毀骨立遂矢志孀守

執女紅以自給藜羹含糗甘貧教子

同上

李天總妻劉氏歸二載生子浩彌月夫卒矢志自守事姑訓子艱苦備嘗及浩長貧不能娶里人歐陽光妻以女未幾浩又卒歐陽竭誠盡孝食必先姑喪葬盡禮隆慶五年御史楊標上其事詔旌節

孝

郝志

庠生蔡紀妻龔氏男果婦黃氏姑婦皆青年守節白首如一龔遇荒採桑子自食畱米以奉姑訓子

無贅勤紡績以佐之黃于歸四載而夫亡姑病脫簪珥延醫及歿典衣衾以完喪葬萬厯壬午御史

梅淳奏請坊表書額曰一門雙節

廣州貞烈傳

關元道妻盧氏適元道三載生子本雍歲餘夫亡年二十二撫孤守節足不踰閭事舅姑以孝聞時值凶荒令本雍捐穀賑恤縣以尙義旌之年踰七十萬厯十六年御史蔡夢說具題表其閭

郝志

周氏女幼許聘區姓未嫁夫死女持服三年誓不他適家貧甚紡績自食六十年如一日御史蔡夢說爲請旌後女族裔周演貞聘灣頭林氏女演貞死林往執喪哀毀盡禮奉翁姑克盡孝道人以爲